

Saksgang

Utval	Utv.saksnr.	Møtedato
Vestlandsrådet	5/26	15.april 2026

Innspel til Stortingets arbeid med revidert nasjonalbudsjett 2026

Forslag til vedtak

1. Vestlandsrådet vedtek følgjande uttale som innspel til Stortinget sitt arbeid med revidert nasjonalbudsjett 2026:
.....
2. Vestlandsrådet gir AU fullmakt til å avklare og koordinere eventuelle andre innspel frå Vestlandsrådet, etter av forslaget til revidert nasjonalbudsjett 2026 vert lagt fram 12.mai.
3. Vestlandsrådet gir AU fullmakt til å vurdere deltaking på den opne komitehøyringa på Stortinget om revidert nasjonalbudsjett 2026.

Robert Rastad
fylkesdirektør

Thorbjørn Aarethun
seniorrådgjevar

Saksframlegget er godkjent elektronisk og har difor inga handskriven underskrift

Saksutgreiing

Stortinget får revidert nasjonalbudsjett (RNB) til handsaming kvar vårsesjon, og er ei oppdatering av statsbudsjettet med endringar i staten sine utgifter og inntekter. Eventuelle meirkostnader eller underfinansiering av ulike budsjettpostar kan dekkast inn gjennom revidert nasjonalbudsjett. Merknader i revidert nasjonalbudsjett kan og legge føringar på arbeidet med kommande års statsbudsjett.

Fylkeskommunane sine tenester er i all hovudsak finansiert over statsbudsjettet, slik at arbeidet med statsbudsjettet og RNB inneber viktige rammevilkår for fylkeskommunal drift og investeringar. Også gjennom samfunnsutviklarrolla har fylkeskommunane eit ansvar for å koordinere og påvirke statleg aktivitet på regionalt nivå gjennom arbeidet med statsbudsjettet og RNB.

Forrige års revidert nasjonalbudsjett vart fremma av Finansdepartementet til finanskomiteen på Stortinget, 15.mai 2025. Komiteen gjennomførte høyring på Stortinget, og fristen for skriftlege innspel vart sett til 20.mai 2025. Innstilling om revidert nasjonalbudsjett vart avlagt av komiteen, 17.juni 2025. Stortinget gjorde endeleg vedtak 20.juni 2025.

Regjeringen har annonsert at revidert nasjonalbudsjett for 2026 vert lagt fram **12. mai 2026**.

Vestlandsrådet kan på sjølvstendig grunnlag, utan å binde opp den enkelte fylkeskommune, foreslå innspel til revidert nasjonalbudsjett 2026. Rådet kan og melde seg på den opne høyringa på Stortinget for ytterlegare å synleggjere landsdelen sine felles utfordringar og behov.

Konklusjon

Fylkesdirektøren ser på revidert nasjonalbudsjett 2026 som ein viktig prosess der Vestlandsrådet med grunnlag i felles utfordringar og behov i vestlandsfylka, kan løfte fram rammevilkår for både fylkeskommunal verksemd og statleg aktivitet på regionalt nivå.

I denne omgang vil fylkesdirektøren peike på følgjande saker som kan vere aktuelle for innspel til Stortinget si handsaming av revidert nasjonalbudsjett:

- Særskilt felles utfordringar og behov i landsdelen på etterslep og finansiering av vedlikehald av bruer, tunellar og ferjekaiar på fylkesvegnettet.
- Underfinansiering av fullføringsreformen i vidaregåande skule, med utgangspunkt i utfordringar og behov i vestlandsfylka.

Fylkesdirektøren vil forsøke å legge fram forslag til uttale på desse områda, som kan handsamast i møtet i Vestlandsrådet. Dersom det av ulike grunnar ikkje er muleg å få til, kan Vestlandsrådet alternativt gje AU fullmakt til vedta aktuelle innspel til Stortinget si handsaming av revidert nasjonalbudsjett 2026, på eit seinare tidspunkt.

Etter at revidert nasjonalbudsjett vert lagt fram 12.mai, vil fylkesdirektøren foreslå at AU i tillegg får fullmakt til å vurdere om eventuelle direkte konsekvensar skal følgast opp gjennom separate innspel frå fylkeskommunane eller koordinerast som felles innspel gjennom Vestlandsrådet.

I tillegg til å oversende aktuelle innspel, vil fylkesdirektøren og foreslå at Vestlandsrådet melder seg på den opne komitehøyringa i Stortinget om revidert nasjonalbudsjett 2026.